



Inatsisartunut ilaasortaq, Justus Hansen, Demokraatit

§ 37-mi apeqqummut nr. 10-mut akissut

16-02-2017
Sags nr. 2017 - 3281

Inatsisartut suleriaasianni § 37 naapertorlugu Naalakkersuisunut apeqqutinik ataaniittunik, matumuuna akissuteqarfiusunik saqqummiussaqrputit.

Postboks 1601
3900 Nuuk
Tlf. (+299) 34 50 00
Fax (+299) 32 56 00
E-mail: isiin@nanoq.gl
www.nanoq.gl

1. Kalaallit Nunaanni inuussutissat kingusinnerpaamik pisiarinqarnissaannut ullulersuisarnermut atatillugu malittarisassat suuppat aamma malittarisassanut suut inatsisit aalajangiisuuppat?

Inuussutissat ullormi kingusinnerpaamik pisiarinqarsinnaanerit (ulloq atorneqarsinnaaffiat kingulleq) pillugit malittarisassiat Tuniniaanissamik nittarsaassisarneq aamma nalunaaqutsersuisarneq pillugu Inatsisartut inatsisaat nr. 39, 9. december 2015-meersumi (tuniniaanissamik nittarsaassisarnermut inatsit) aamma Inuussutissanik allagartalersuisarneq pillugu Namminersornerullutik Oqartussat nalunaarutaat nr. 1, 2. februar 1994-meersumi aalajangersagaapput.

2. Naalakkersuisut pilersaaruteqarnerlutik suliniuteqarnissaminut Danmarkimi malittarisassat atuuttut ulloq 1. januaari 2015 allanngortinneqartut malinneqalernissaannut, EU-mi inuussutissat kingusinnerpaamik pisiarinqarnissaannut ullulersuisarnermut malittarisassat assigiinneqalernissaannut EU-p peqqussuteqarnerata kingorna.

Naalakkersuisut Kalaallit Nunaanni inatsisaasunik naleqqussaanissamik pisariaqartitsineq nalilersortuarpaat, akissummilu matumani takuneqarsinnaasutut EU-mi peqqussut taaneqartooq paasillugu taamatut inatsisaasunik naleqqussanissamat ilimanarpoq pisariaqartitsisoqassasoq.

Maannakkut allagartalersuisarnermut nalunaarummi § 39, imm. 1-mut atuuttumut naleqqiullugu ajornartorsiutaasumik Atuisartoqarnermut Unammilleqatigiinnermullu Aqutsisoqarfik paasisaqarsimavoq.

Allagartalersuisarnermut nalunaarummi § 39-p siunertaa tassaavoq inuussutissat nalinginnaasut asiuasullu akornanni erseqqissumik oqaatsitigut immikkoortitsinissap pilersinnissaa, § 39, imm. 2-mi immikkut ittumik oqariaatsimik pilersitsinikkut, inuussutissanut asiuasunut "Ulloq atorneqarfissaa kingulleq"-mik taaguusiilluni, taakku ullup atugaaffissaasa kingornatigut atugarineqassannginnerannik erseqqissumik takussutissiissalluni. § 39, imm. 1-imi pingaarnertut malittarisassiami inuussutissanut nalinginnarnut oqaaseqatigiit ullormik nalunaarsuiffiup siornani "Minnerpaamik piusinnaassusia" imaluunniit "Minnerpaamik piusinnaassusia ilanngullugu" paarlattuanik allassimassaaq.

Taamaattorli oqaaseqatigiinnut "Minnerpaamik piusinnaassusia" imaluunniit "Minnerpaamik

piusinnaassusia ilanngullugu" asserpiaanik nassuiaatinut EU-mi suli annertusiartuinnartumik oqaaseqatigiit "Sioqqullugu pitsaanerpaaq" ("Bedst før") atugaalerput, oqaaseqatigiit "Bedst før" oqaaseqatigiinnut "Minnerpaamik piusinnaassusia"-nut imaluunniit "Minnerpaamik piusinnaassusia ilanngullugu"-mut oqaatsitigut taamatulli erseqqitsigisumik inuussutissanut asiujasunut nassuiaanera tassani oqaatigineqarluni.

Allagartalersuisarnermut nalunaarummi § 39, imm. 1-imi piumasaqaatip oqaasertaanik najoqqutassalittut paasiniaanermik aallaaveqaraanni atugassanik pisiniarfeqarfiit ingerlatsinermi ilimanartumik annertungaatsiartumik aningaasartuummik atugassinneqarput, ilisimatitsinermi imaluunniit atuisartunik illersuiniarnermi inissisimaffimmik qaffasinnerusumik ilusilimmik annertuneramik naleqassutsimik angusaqartitsigani inuussutissat "Minnerpaamik piusinnaassusia"-mit imaluunniit "Minnerpaamik piusinnaassusia ilanngullugu"-mit "Sioqqullugu pitsaanerpaaq"-mut allagartaleeqqiinissamik piumasaqaateqartoqarmat. Pingaarnerpaaq tassaavoq atuisartut peqqinnissaat naleqquttumik qulakkeerlugu, peqatigitillugu nunatsinni pissutsit immikkut ittut sillimaffigalugit.

Ajornartorsiutip qanoq pitsaanerpaamik isumaginissaanik Naalakkersuisut misissuineq ingerlappaat, atugassanik pisiniarfeqarfinnik, taamaalillugulu naggataatigut atuisartunik pisariaqanngitsunik aningaasartuutunik atugassinissaat pillugu soorunalimi kissaateqartoqanngimmat.

Inussiarnersumik inuulluaqqusillunga

Med venlig hilsen



Vittus Qujaukitsoq